

呂美親：民主聖地：寫予嘉義，1947

想 beh hiàm 佺起來。問佺，按怎 tsia 號作「民主聖地」？

Tsit-tah 新厝 koh 開始 teh 倚；hit-tah 舊宅，已經拆 beh 一半。Tāk 日有車有人，搬搬涉涉。Kàu 過你 ê 身軀、伊 ê 頭殼額；踏 t,, 你 ê 倒手、伊 ê 正腳。若無細膩，huàn 勢，佺亦會感覺 tiōh 疼。

想 beh hiàm 佺起來。問佺，「民主聖地」埋 toh 一啷？

佺無話無句、bë 震 bë 動。Hông 笑是 khah 輸路邊 ê 有應公廟，siōng 無明牌 mā 會加減 bóng 報。我杯 kā 提起來跋，講佺 tiōh 有靈有聖，佺 suah kan-nā 倒踎 khàm 蓋 ê 大路溝，連 t;g 身 tö hiah 貧憚。按呢，thài 有人會記佺 t,, hit 冬，為 tiōh 啥代，無計較輸贏；為 tiōh 啥代，愛用性命 tshia 拚？

想 beh hiàm 佺起來。問佺，「民主聖地」生做啥款？

佺 ê 衫 bak tiōh 啥物色水，敢講一 tau bë 拄好，tö 註定無 thang 替換？T,,厝 n...h 等佺 ê 人，koh 是 khah tiōh 啥物 lâ-sâm？In 為 tiōh 維持清氣，甘願放棄記持、假影 kap 佺生份、當作無 hit 寡暝日，甚至，é-káu kui-ê 甲子。

想 beh hiàm 佺起來。問佺，「民主聖地」到底 guā 闊？

「民主聖地」ê 北 ping 猶原有雨，「民主聖地」ê 南 ping 猶原燒熱。「民主聖地」ê 西 ping 永遠倚海，「民主聖地」ê 東 ping 永遠靠山。佺 iáu 是按呢，無話無句、bë 震 bë 動。Tshun 我手 n...h ê 冊 teh 話，講 hit 冬，自由斷絕，青春 làng 縫；佺 iáu 是倒踎 hit 塊無風無搖 ê 土腳，民主，ná 像思念，suah ~知會 tàng，koh 想 tiōh 啥人。